

Broj: 02-04-147/25-AP-3
Datum: 10.02.2025. godine

GRADSKO VIJEĆE ZAVIDOVIĆI
n/r PREDSEDAVAJUĆOJ GRADSKOG VIJEĆA
Hadžić dr Amira, spec. radiolog

PREDMET: Odgovori na vijećnička pitanja sa 3. sjednice Gradskog
vijeća Zavidovići održane 14.01.2025. godine, dostavljaju se

Povodom vijećničkih pitanja postavljenih na 3. sjednice Gradskog vijeća Zavidovići
održanoj 14.10.2025. godine, dostavljamo odgovore na iste kako slijedi:

1. VIJEĆNIČKA PITANJA VIJEĆNIKA ASIMA SINANOVIĆA

1. Vijećnik Asim Sinanović: „Gospođo Gradonačelnice, gospođo Predsjedavajuća, kolege vijećnice i vijećnici, mediji koji nas prate i slušaoci koji nas slušaju, sve vas srdačno pozdravljam i selamim. Ja sam Asim Sinanović vijećnik iz Stranke penzionera-umirovljenika i dolazim iz Mjesne zajednice Kovači. Imam 2 usmena pitanja, a imam ovdje potrebnu dokumentaciju za ta pitanja.

1. U zadnjih nekoliko mjeseci prošle godine imamo konstantno štetu od kerova, pasa lotalica na Mjesnoj zajednici Kovači, a posebno na našoj područnici selo Vikovići, tako da mi svakog jutra idemo i do 500 metara i tražimo našu obuću. Svakim danom dođu uzmu ubuću i odnesoše. Ja sam hvatao te kerove, dva sam odnio gore u Stog, mislim da je tu njihov azil pa rekoh, hajde da ih ostavim, trećeg sam uhvatio i ovdje sam u ovaj privatni azil odnio. 30-og navečer, smrzo je snijeg, ja imam koke nosilje, 30 sam ih nabavio i imam dva horoza. Na taj dan kada je snijeg smrzo, kerovi su preskočili u moj tor koji sam ja uredno ogradio žicom, sve i ušli su u moj posjed i potušili 24 koke i 2 horoza. Uredno sam to prijavio policiji, policija izašla na lice mjesta i konstatovali šta se desilo.

Moje je pitanje kome da se obratim i ko je dužan da nas zaštiti od tih pasa?

Odgovor na prvo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-19 od 30.01.2025. godine): Grad Zavidovići je u proteklom periodu poduzeo sve mogućnosti, naravno zakonski dozvoljene, kako bi riješio problem hvatanja i zbrinjavanja pasa lotalica. Samo u prošloj godini tri puta je pokrenut postupak javne nabavke u skladu sa Zakonom o javnim nabavkama BiH. Od toga dva puta je potpisan okvirni sporazum ali je oba puta i raskinut a da nije realizovan do kraja. Grad Zavidovići će i ovoj godini, prema aproprijaciji sredstava u Budžetu Grada Zavidovići za 2025. godinu, pokrenuti postupak javne nabavke za pomenutu uslugu.

2. Vijećnik Asim Sinanović: Kada sam odveo tog kera, ovdje u Podubravlje kod Havlić Kafilic se tako preziva žena koja drži taj privatni azil, ona je primila i tog mog kera, ali njezin otac moli me i traži da se obratim Gradonačelnici i službama da mu pomognemo. U njegovom posjedu ima 35 pasa lotalica., gdje čovjek spava sa kerovima, više kaže: „, Asime došlo mi je do ovdje, gdje ja ne znam šta da radim“. Čerka mi traži od moje penzije da joj dam sredstva da bi ti kerovi ostali živi. Ja sam jučer išao, ima 35 kerova u svojoj kući u krevetu. Puno Vam hvala.

Odgovor na drugo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-19 od 30.01.2025. godine): Zakon o zaštiti i dobrobiti životinja BiH („Službeni glasnik BiH“, broj: 25/09) uredio je odgovornost ljudi za zaštitu i dobrobit životinja u pogledu držanja, smještaja i ishrane, zaštite od mučenja i sl. Napuštene i izgubljene životinje skupljaju zaposleni u higijenskom servisu tako da životinji nanose najmanje bola i patnji i predaju ih u skloništa za životinje. Ukoliko pomenuta osoba nema registrovan higijenski servis niti je vlasnik registrovanog skloništa za životinje, odnosno ima ugovor o zakupu sa istim, onda se radi o nezakonitom prihvatu životinja.

2. VIJEĆNIČKA PITANJA VIJEĆNIKA AJDINA POLIĆA

1. Vijećnik Ajdin Polić: Poštovani,

U skladu sa članom 8.,87., Poslovnika o radu Općinskog vijeća Zavidovići, postavljam slijedeće vijećničko pitanje:

Da li služba za upravu poljoprivrede, vodoprivrede i komunalnih poslova planira objaviti obavještenje građanima za upis, dopunu i izmjenu podataka u RPG za 2025. godinu, obzirom da ubrzo ističe rok za upis istih?

Mnogi naši sugrađani nisu upoznati sa rokovima i obavezama, te bi zbog toga mogli ostati bez prava na poljoprivredne poticaje.

Odgovor zahtijevam pisanim putem od nadležne službe.

Odgovor na prvo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-23-69/25 od 29.01.2025. godine): Služba za upravu poljoprivrede, vodoprivrede i komunalnih poslova je obavijestila poljoprivrednike o potrebi da ažuriraju podatke u registrima koji se vode u istoj službi. Rokovi za ažuriranje podataka u registrima ne ističu uskoro, kako se navodi u vijećničkom pitanju, već je rok za ažuriranje, regulisanje stanja proizvodnje i drugih podataka u RPG-u do 31. marta svake godine. Nekoliko godina ovi rokovi su produžavani do kraja aprila tekuće godine.

Rok za ažuriranje podataka u Registru pčelara je redovno do kraja aprila.

U Službi nismo uočili da značajan broj poljoprivrednika nije informisan o rokovima, pogotovo tamo gdje se obavlja proizvodnja duži niz godina, kao što je slučaj sa proizvodnjom kornišona, malina, plasteničkoj proizvodnji, pčelarskoj, ovčarskoj, govedarskoj i ratarskoj proizvodnji.

Druga je situacija sa onim licima koja se tek upisuju jer ista lica ne moraju ažurirati podatke jer nisu bili ranije upisani.

2. Vijećnik Ajdin Polić: Poštovani,

U skladu sa članom 8.,87., Poslovnika o radu Općinskog vijeća Zavidovići, postavljam slijedeće vijećničko pitanje:

U naseljenim mjestima Bajvati, Lijeveča, Poljice i Dolovi javna rasvjeta nije u funkciji nakon vremenskih neprilika iz prethodnih dana. Tražim od nadležne služne odgovor, Ko je odgovoran i zadužen za održavanje rasvjete u gore navedenim mjestima?

Da li održavanje javne rasvjete može biti povjereno mjesnim zajednicama, ili su se stekli uvjeti da se održavanje rasvjete izvan urbanog područja može povjeriti privrednim društvima kroz javnu nabavku?

Odgovor zahtijevam pisanim putem od nadležne službe.

Odgovor na drugo vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-22/25-AP-19 od 30.01.2025. godine): Nakon obilnih snježnih padavina koje su nedavno zadesile naše područje, osim navedenih naseljenih mjesta i sva druga naša područja su u pogledu normalnog funkcioniranja javne rasvjete doživjela slične probleme.

Nakon stabiliziranja vremenskih uvjeta a u sadejstvu sa savjetima mjesnih zajednica pristupilo se otklanjanju nastalih kvarova i oni su sa današnjim danom na svim područjima sanirani i javna rasvjeta je u funkciji, kako u navedenim mjesnim područjima a tako i na svim drugim.

Održavanje javne rasvjete u urbanom dijelu Grada Zavidovići se provodi na način da se svake godine nakon provedenog javnog poziva, odabere najpovoljniji ponuđač za održavanje javne rasvjete.

U vanurbanim mjesnim područjima u koja spadaju i navedena mjesna područja, Grad Zavidovići vrši plaćanje mjesečne potrošnje električne energije za javnu rasvjetu te brine i održava mjerna mjesta na kojima se nalazi instaliran sanduk sa osiguračima i tajmerom za paljenje i gašenje javne rasvjete.

Ostali dio javne rasvjete u vanurbanom području Grada Zavidovići u smislu održavanja napojnih kablova i svjetiljki sa sijalicama pada na teret korisnika te javne rasvjete.

Taj dio održavanja javne rasvjete je svakako u nadležnosti savjeta mjesnih zajednica i oni su nadležni da putem člana savjeta mjesne zajednice iz određene mjesne podružnice u istoj organiziraju i aktivnost na otklanjanju nastalih kvarova na način da isti sa mještanima svoje mjesne podružnice dogovori način i modalitete što efikasnijeg održavanja rasvjete u funkciji.

Što se tiče stvaranja uvjeta da se kompletno održavanje javne rasvjete izvan urbanog područja povjeri određenim privrednim društvima kroz postupak provođenja javne nabavke, ostaje da se u narednom periodu, prije svega, obezbijedi adekvatan način finansiranja i dovoljno sredstava za te aktivnosti, a sve dok se to ne riješi ne može se ni pristupiti povjeravanju tih poslova nekome na održavanje.

3. Vijećnik Ajdin Polić: Poštovani,

U skladu sa članom 8.,87., Poslovnika o radu Općinskog vijeća Zavidovići, postavljam slijedeće vijećničko pitanje:

Dana 10.01.2025. godine na protokol Grada Zavidovići dostavio sam dopis pod nazivom „ Obavijest o neposrednoj opasnosti po život mještana“ kojeg sam dostavio na:

- Stručna služba Gradonačelnice
n/r Gradonačelnice Erna Merdić Smailhodžić
- Služba za upravu civilne zaštite
n/r Remzo Šogolj
- Služba za upravu privrede, lokalni razvoj, infrastrukturu i međunarodnu saradnju
n/r Džeraldina Miličević
n/r Almin Mujanović

- Gradsko pravobranilaštvo
- n/r Nijaz Karahasanović

od gore navedenih službi, u obliku vijećničkog pitanja tražim odgovor o poduzetim radnjama i mjerama.

Odgovor zahtijevam pisanim putem od nadležne službe.“

Odgovor na treće vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-61/25 od 31.01.2025. godine, akta Gradskog pravobranilaštva Zavidovići, broj: R.13/25 od 31.01.2025. godine, akta Službe za upravu civilne zaštite, broj: 07-45-21-37/25 od 03.02.2025. godine i od strane Stručne službe gradonačelnika): Stručna služba gradonačelnika je obavijest Polić Ajdina od 10.05.2025. godine odmah signirala i dostavila u rad Gradskom pravobranilaštvu Zavidovići 13.01.2025. godine.

Kako se vijećničko pitanje vijećnika gospodina Polić Ajdina odnosi na obavijest koju je vijećnik dostavio pojedinim službama Grada Zavidovići dana 10.01.2025. godine pod nazivom „Obavijest o neposrednoj opasnosti po život mještana“ povodom ovog dopisa i vijećničkog pitanja Gradsko pravobranilaštvo je podnijelo Zahtjev Službi za upravu privrede, lokalni razvoj, infrastrukturu i međunarodnu saradnju za poduzimanje mjera iz nadležnosti Inspekcije za ceste i Građevinske inspekcije.

Kako se radi o opasnosti od rušenja objekta u vlasništvu privatnog lica, a kako je zemljište pored objekta u naravi dio mreža lokalnih nekategorisanih cesta, radi se o potrebi poduzimanja mjera iz nadležnosti ovih inspekcija. U predmetnoj obavijesti nije ukazano na postojanje eventualnih spornih imovinskih odnosa između javne ceste i nekretnine u vlasništvu Mihajlović Bogdana sin Tihomira, te se zato obavijest gospodina Polića nalazi u nadležnosti Inspekcije za ceste i Građevinske inspekcije. Ukoliko se ukaže potreba prema procjeni ovih inspekcija za pokretanjem parničnog, vanparničnog, izvršnog ili drugog postupka u ovom predmetu i ovisno od osnovanosti takvog zahtjeva Gradsko pravobranilaštvo će poduzeti mjere iz svoje nadležnosti. U prilogu dostavljamo Zahtjev upućen nadležnim inspekcijama.

Na osnovu Vašeg zahtjeva državni službenici Almir Mustafić i Almin Mujanović su izašli na lice mjesta i konstatovali da je kuća / stambeni objekat na parceli k.č. 182/2 k.o. Čardak totalno devastiran i u ruševnom stanju što predstavlja opasnost za živote i zdravlje ljudi, okolne objekte i odvijanje svih vrsta saobraćaja.

Prema članu 150. Zakona o prostornom uređenju i građenju ZDK („Službene novine Zeničko-dobojskog kantona“, broj: 1/14; 4/16 i 17/23) je jasno opisana procedura uklanjanja građevine zbog fizičke dotrajalosti ili oštećenja koja su nastala uslijed ratnih dejstava a koja je u nadležnosti Službe za upravu geodetskih, imovinskopravnih poslova i urbanizma, gdje je također između ostalog navedena Služba nadležna za uklanjanje građevine ako se radi i o zahtjevu vlasnika objekta, kako je to definsano članom 146. pomenutog Zakona.

Također važno je napomenuti da je Građevinska inspekcija još prošle godine dostavila Prijedlog za uklanjanje ruševnog objekta na parceli k.č. 182/2 k.o. Čardak, broj: 03-19-955/2023 od 10.04.2023. godine pomenutoj Službi koja je u vlasništvu Mihajlović Bogdana, kako je to precizirao član 150. stav (6) Zakona o prostornom uređenju i građenju ZDK („Sl. novine Zeničko-dobojskog kantona“, broj: 1/14; 4/16 i 17/23).

Iz svega navedenog proizilazi da Služba za upravu geodetskih, imovinskopravnih poslova i urbanizma Rješenjem određuje uklanjanje građevine ili dijela građevine za koju se utvrdi da zbog fizičke dotrajalosti, elementarnih nepogoda ili ratnih dejstava i većih oštećenja ne može dalje da služi svojoj namjeni a da svojim mogućim urušavanjem može predstavljati opasnost po život ili zdravlje ljudi, okolne objekte i saobraćaj, te da je u postupku neophodno obezbijediti određene uslove i mjere za sigurno uklanjanje.

Služba za upravu civilne zaštite primila je i razmotrila predmetni akt, te je po istom sačinila i odgovor koji Vam je dostavili putem pošte.

3. VIJEĆNIČKO PITANJE VIJEĆNIKA ASIMA DŽINDE

1. Vijećnik Asim Džindo: Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidović postavljam slijedeće vijećničko pitanje:

Član 92.a Poslovnika o radu Gradskog vijeća Zavidovići: „Elektronsko glasanje vrši se uz podršku opreme i računarskog-informacionog sistema i pritiskom na odgovarajuću tipku.“

Kada će se krenuti sa realizacijom računarskog-informacionog sistema koji omogućava elektronsko glasanje na sjednicama putem tableta koje već posjedujemo? Također, zanima me kada će se implementirati funkcionalnost poput traženja replike i drugih tehničkih mogućnosti koje bi olakšale rad vijećnika i učinile proces efikasnijim.

Od nadležnih zahtijevam jasne informacije o planovima, rokovima i odgovornim licima za realizaciju ovog projekta, uz dostavu odgovora u pisanoj formi.

Vijećničko pitanje upućuje se nadležnim gradskim službama.

Odgovor na drugo vijećničko pitanje (Odgovor je sačinjen na osnovu akta Stručne službe gradonačelnika): Stručna služba gradonačelnika je u saradnji sa Stručnom službom Gradskog vijeća Zavidovići pokrenula aktivnosti na uspostavi elektronskog rada Gradskog vijeća Zavidovići (nabavka tableta, dostava materijala, instalacija aplikacije e-vijeće, osbezbeđenje ostalih tehničkih uslova itd.) 2022. godine. U okviru ovih aktivnosti trenutno se primjenjuje elektronska dostava materijala koji se razmatraju na sjednicama Gradskog vijeća Zavidovići. Ove aktivnosti su prekinute do formiranja novog saziva Gradskog vijeća Zavidovići. U januaru 2025. godine nastavljene su ove aktivnosti nakon uspostave novog saziva Gradskog vijeća Zavidovići, te se pristupilo izvršenju obuke i simulacije glasanja i učešća u raspravi. Tom prilikom je utvrđeno da aplikacija nije prilagođena našem Poslovniku o radu Gradskog vijeća Zavidovići u dijelu vijećničkih pitanja i inicijativa. Nakon završene obuke i simulacije dobili smo potvrdu od anagažovane konsultantske firme da se aplikacija može doraditi u tom dijelu, te je u februaru zakazan informativni sastanak sa navedenom firmom u cilju davanja ocjene da je aplikacija prilagođena Poslovniku o radu Gradskog vijeća Zavidovići. Ukoliko aplikacija bude adekvatno doradena, očekujemo njezinu primjenu u radu Gradskog vijeća Zavidovići u narednom periodu.

2. Vijećnik Asim Džindo: Na osnovu člana 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidović postavljam slijedeće vijećničko pitanje:

Na osnovu uvida u katastarske podatke, ustanovio sam da parcela broj 1229/1 – K.O. Zavidovići (parcela iza Raiffeisen banke-parking) pripada Gradu Zavidovići. Zanima me da li je za ovu parcelu izrađen regulacioni plan, te ako jeste, molim da dostavite informacije o njegovim detaljima.

Ukoliko postoje planovi za izgradnju ili druge projekte na ovoj parceli, zanima me u kojoj su fazi realizacije, da li su izdane potrebne dozvole i koji su predviđeni rokovi za implementaciju.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim gradskim službama.“

Odgovor na treće vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-20/25-AP-14 od 29.01.2025. godine): Predmetni lokalitet se nalazi u obuhvatu RP „CENTAR I“ Zavidovići čiji je rok važenja istekao i koji je uglavnom proveden. Navedenim planom je predviđeno da se na jednom dijelu parcele označene sa k.č. 1229/1 k.o. Zavidovići izvrši izgradnja trga (trg nije izgrađen), a na drugom dijelu je predviđen parking prostor.

Gradsko vijeće Zavidovići je donijelo Odluku o pristupanju izradi novog Regulacionog plana „Desna obala rijeke Bosne“ Zavidovići, („Službeni glasnik Grada Zavidovići“, broj: 5/23), te će se u okviru izrade novog plana tretirati i prostor između banaka.

Izrada novog Regulacionog plana će se moći raditi tek nakon usvajanja Urbanističkog plana Grada Zavidovići, čija je izrada trenutno u toku.

4. VIJEĆNIČKO PITANJE VIJEĆNIKA ADMIRA FOJNICE

Vijećnik Admir Fojnica: Zahvaljujem. Poštovane kolege vijećnici, kolegice vijećnice, poštovana Gradonačelnice sa saradnicima, poštovani sugrađani, predstavnici medija, sve vas pozdravljam.

PREDMET: VIJEĆNIČKO PITANJE

Imam jedno vijećničko pitanje, a tiče se formiranja Mjesne zajednice „Klek“.

OBRAZLOŽENJE

Mi znamo da su u aprilu mjesecu održani izbori, mjesna zajednica nije još uvijek formirana. Mislim da su na jednoj od sjednica izabrali predsjednika, ono što čini najveći problem jesu sredstva, dakle trpe mještani mjesne zajednice, prvo što ne dobijaju redovna sredstva finansiranja mjesne zajednice, druga stvar, nismo uspjeli realizovati ni neke druge projekte, ni sredstva iskoristiti koja su obezbjeđena sa viših nivoa vlasti, kako kantonalnog tako i federalnog nivoa. Želim odgovore može i usmeno, a i u pisanoj formi. Kada će se riješiti taj problem?“

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-18/25-AP-19 od 30.01.2025. godine): Nakon održanih izbora u mjesnim zajednicama u aprilu 2024. godine, jedna od obaveza bila je izbor predsjednika i zamjenika predsjednika i primopredaja službenog pečata, ključa i arhive mjesne zajednice novoizabranim članovima savjeta. Savjet mjesne zajednice „Klek“ održao je konstituirajuću sjednicu na kojoj su većinom glasova izabrali Edina Kadića za predsjednika. Na toj konstituirajućoj sjednici, od predsjednika iz bivšeg saziva savjeta, Nedžada Mahmutovića nije preuzet pečat ali po dogovoru pečat je trebao predati nadležnoj službi Gradske uprave. S obzirom da i nakon održane sjednice imenovani nije razdužio pečat i ključ od kancelarije a prema usmenoj izjavi Nedžada Mahmutovića, niko od novoizabranih članova Savjeta ih nije htio preuzeti, pečat je ostavljen na stolu u kancelariji mjesne zajednice. Time je rad mjesne zajednice blokiran pa je nadležna služba uputila akt, broj: 04-45-15/24-AP-215 od 21.08.2024. godine i broj: 04-45-15/24-AP-224 od 03.09.2024. godine, u kojem je obaviješten da u roku od 7 dana od dana prijema akta treba predati pečat nadležnoj Službi. Prema usmenoj izjavi Nedžada Mahmutovića, saznalo se da se pečat MZ „Klek“ i ključevi službene prostorije koja se nalazi u zgradi zvanj „Stara Opština“ nalaze se kod novoizabranog člana savjeta, Ćosić (Fehima) Omera. Ćosić Omer je to potvrdio dana 16.10.2024. godine telefonskim putem, članu savjeta MZ „Klek“ Mahmutović Ahmetu (Haketu) a što su čuli i ostali prisutni na sastanku članova Savjeta MZ „Klek“ (7 prisutnih). Sastanku su prisustvovali rukovodilac Službe za upravu društvenih djelatnosti, pitanja boraca i opću upravu, Idriz Alihodžić i Viši stručni saradnik za poslove mjesnih zajednica, Selma Džaferović. Ćosić (Fehima) Omer, otuđenjem pečata neovlašteno je raspolagao istim odbijajući da ga preda novoizabranom predsjedniku Savjeta MZ „Klek“ ili u nadležnu Službu Gradske uprave. S obzirom da se Odluka o izboru predsjednika ne može objaviti u Službenom glasniku Grada Zavidovića bez pečata, novoizabrani predsjednik nije preuzeo obnašanje funkcije. Dana 20.11.2024. godine izvršena je primopredaja pečata Mjesne zajednice „Klek“, u Službi za upravu društvenih djelatnosti, pitanja boraca i opću upravu uz prisustvo službenog lica koji je vodio postupak i stranaka Ćosić Omera i Mahmutović Nedžada. Iz navedenih razloga rad Savjeta od izbora je bio blokiran. U međuvremenu Edin Kadić podnio je ostavku na mjesto predsjednika Savjeta ali i na mjesto člana Savjeta MZ „Klek“.

Dana 22.01.2025. godine u Velikoj sali organa Gradske uprave, u organizaciji Gradonačelnice i nadležne Službe održan je sastanak na kojem su bili prisutni članovi Savjeta MZ „Klek“ (8 članova prisutno, jedan član nije došao) te je izvršena primopredaja službenog pečata i ključeva od kancelarije koje je preuzeo ranije izabrani zamjenik, Samir Skejić. Zbog novonastale situacije prisutni članovi savjeta su se izjasnili da ne žele birati predsjednika dok se ne izvrši popuna novog člana Savjeta kako bi svi članovi ravnopravno sudjelovali u izboru „novog“ predsjednika. Ovim su stečeni uslovi za funkcionalnost Savjeta MZ „Klek“.

Što se tiče novčanih sredstava situacija nije ništa manje komplikovana u odnosu na pečat i ključ. Mjesna zajednica je svake godine redovno dobijala tranše namijenjene za redovan rad, a zadnji zaključak isplaćen je 03.05.2024. godine (broj Zaključka: 04-11-289/24-AP-3) u iznosu od 6.173,34 KM za mjesec januar - juni 2024. godine. Prethodni Zaključak je bio 15.08.2023. godine (broj: 04-11-1013/23-AP-3) u iznosu od 8.450,00 KM za cijelu godinu nakon podnesenog zahtjeva MZ „Klek“ od 05.05.2024. godine za tranšu za redovan rad. Uz zahtjev je dostavljena i presuda Općinskog suda u Zenici (broj: 43 0 Ps 211808 22 Ps od 03.03.2024. godine) u kojoj se obavezuje MZ „Klek“ u svojstvu tuženog da tužitelju (EFTim Tuzlić d.o.o Zavidovići) isplati dug u iznosu od 9.720,32 KM sa zakonskom zateznom kamatom za neizmirene račune za period 2018.-2020. godina kao i da se isplate troškovi parničnog postupka u znosu od 225,00 KM u roku od 30 dana pod prijetnjom prinudnog izvršenja.

U godišnjim izvještajima o radu i finansijskom poslovanju MZ „Klek“, za period kada su obaveze nastale navedena dugovanja nisu prikazana kao sporna za funkcionisanje mjesne zajednice iako je iznos neizmirenih obaveza samo prema ovom dobavljaču veći od ukupno planiranih godišnjih sredstava za rad mjesne zajednice.

I nakon isplate cjelokupne tranše Savjet MZ „Klek“ je dostavio zahtjev za isplatu naredne tranše navodeći da iznos od 8.450,00 KM nije uplaćen u cjelosti firmi “EFTim Tuzlić” d.o.o. jer su morali ispuniti obaveze prema sekretaru isplaćujući mu 2.000,00 KM za rad u Savjetu za period januar - august 2022. godine. Međutim, na nalogu za plaćanje navedenoj firmi nije precizno navedeno koja je svrha uplate doznačenih sredstava. U rubrici „svrha uplate” navedeno je da su sredstva uplaćena po računima bez oznake kojih računa niti oznake da se radi o računima iz navedene presude.

Sporna je i saradnja MZ sa DHD-om oko nasipanja puteva. Umjesto da to uradi MZ, DHD nasipa put (nasip sitnog tampona - jalovine) a MZ uplaćuje donaciju DHD-u tako da se utrošak budžetskih sredstava Grada Zavidovići predstavlja kao humanitarna aktivnost MZ „Klek“ i DHD-a.

Zbog svega navedenog a što je samo jedan dio rada i poslovanja MZ „Klek“ došlo je do problema i blokade rada što ostavlja dugoročne posljedice za novi saziv Savjeta MZ „Klek“.

5. VIJEĆNIČKA PITANJA VIJEĆNICE AMRE JUPIĆ

1. Vijećnica Amra Jupić: Pozdravljam sve prisutne u Sali Gradskog vijeća, poseban pozdrav upućujem našim uvažanim sugrađanima, ako nas ko sluša putem radija. Za danas sam pripremila dva vijećnička pitanja i ona se još uvijek tiču onih vremenskih nepogoda koje su nas zadesile u skorijoj prošlosti.

PREDMET: 1. VIJEĆNIČKO PITANJE

Moje pitanje se odnosi na vremenske nepogoda koje su nas zadesile, ne samo naš grad, nego i druge općine i gradove i pripadajuće mjesne zajednice. Mene interesuje šta je tačno urađeno na terenu ... da se saniraju, odnosno otklone sniježni nanosi na nekategorisanim putevima i u gradu i po mjesnim zajednicama. Mene interesuje ko je izdao naredbu i kako je izdao? Ko su bili izvođači radova i ko je angažovan i na koji način? Zapisnik tražim na uvid sa sjednice civilne zaštite ili nekog drugog angažovanog tijela. Ko je platio čišćenje sporednih i

nekategorisanih puteva, sa kojih transfera i koliko je plaćeno, tačan iznos tražim. Ko je izvršio kontrolu svega urađenog? Da li je bila raspisana Javna nabavka, ako je bila raspisana javna nabavka ko je provodio javnu nabavku i tražim tačan iznos. Koliko je sredstava u tom periodu utrošeno i ko je vršio nadzor svih ovih procedura?

Odgovor na prvo vijećničko pitanje (Odgovor je sačinjen na osnovu akta Službe za upravu civilne zaštite, broj: 07-45-21-37/25 od 03.02.2025. godine): Kada se pojavi neposredna opasnost po ljudske živote i materijalna dobra aktivira se Gradski štab civilne zaštite kako bi rukovodio akcijama zaštite i spašavanja, odnosno kako bi provodio svoju operativnu funkciju, tačnije u ovom konkretnom slučaju preventivnu operativnu funkciju, a što je propisano u Pravilniku o načinu rada i funkcioniranja štabova i povjerenika civilne zaštite („Službene novine Federacije BiH“, broj: 77/06, 5/07 i 32/14). Gradski štab civilne zaštite se aktivira u skladu sa članom 17. navedenog Pravilnika, aktivira ga Služba za upravu civilne zaštite, i to na zahtjev načelnika štaba, komandanta štaba, a inicijativu za aktiviranje može dati bilo koji člana štaba. Na 1. sjednici Gradskog štaba civilne zaštite održanoj 24.12.2024. godine u skladu sa članom 18. Pravilnika razmatrana je situacija vezano za velike snježne padavine na području Grada Zavidovići, tačnije prohodnost svih putnih pravaca, pa i nekategorisanih. Obzirom da stanje na terenu nije bilo takvo da bi se proglasilo stanje prirodne nesreće, odlučeno je da se poduzmu određene preventivne mjere. Kako nije proglašeno stanje prirodne nesreće nisu izdavane nikakve naredbe, već je donesen zaključak kojim se zadužuje civilna zaštita da u saradnji sa savjetima mjesnih zajednica koji u svojoj mjesnoj zajednici organizuju čišćenje snijega, obezbijedi prohodnost glavnih nekategorisanih puteva. Izvođači radova su angažovani od strane savjeta mjesnih zajednica koji su bili uključeni u čišćenje snijega. Čišćenje sporednih i nekategorisanih puteva će se u određenom iznosu refundirati savjetima mjesnih zajednica koje dostave tražene podatke. U skladu sa tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12, 80/13 i 20/20) sredstva su obezbijeđena na namjenskom transferu „Izdaci za učešće u provođenju preventivnih mjera zaštite i spašavanja“ u raspoloživom iznosu od 10.000,00 KM. Za prikupljanje podataka i kontrolu čišćenja zaduženi su Idriz Alihodžić iz Službe za upravu društvenih djelatnosti, pitanja boraca i opću upravu, Kenan Hadžić iz Službe za upravu civilne zaštite, te inspektor za puteve Almin Mujanović. Mjesne zajednice su angažovale izvođače u skladu sa stanjem na terenu i trenutno raspoloživim kapacitetima.

Do pisanja odgovora po ovom vijećničkom pitanju (03.02.2025. godine) prikupljeni su izvještaji o sprovođenju aktivnosti na čišćenju puteva od snijega od 14 mjesnih zajednica i to: „Vožuća“, „Krivaja - Smailbašići“, „Donji Gostović“, „Branioci grada“, „Mećevići“, „Stipovići“, „Gostović“, „Rujnica“, „Mahoje“, „Brezik“, „Dubravica“, „Maoča“, „Ribnica“ i „Lovnica“.

Od tog broja, odnosno u skladu sa Odlukom štaba i Zahtjevom za dopunu izvještaja o čišćenju nekategorisanih puteva od snijega izvještaj je opravdan za mjesne zajednice „Vožuća“ i „Donji Gostović“, u ukupnom iznosu od 2.098,08 KM.

2. Vijećnica Amra Jupić: PREDMET: 2. VIJEĆNIČKO PITANJE

Kojim izvođačima je raskinut ugovor o izvođenju radova jer se u javnom prostoru jasno moglo zaključiti da i Gradonačelnica nije bila zadovoljna dinamikom čišćenja snijega na određenim dionicama puteva. Interesuje me izvođači radova koji su već imali postojeće ugovore za održavanje cesta, ako nismo zadovoljni, a činjenica je da i Gradonačelnica je u javnom prostoru izjavila da nije bila zadovoljna dinamikom čišćenja. Da li se raskinuo ugovor jer mi ne znamo, da li nas takve neprilike čekaju u nekom narednom periodu. Bila je zima, ziama ima

ispred nas i biće ih. Da li se i sa kim raskinuo ugovor, i sa jednim od izvođača radova? Hvala lijepo.“

Odgovor na drugo vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-9-61/25 od 31.01.2025. godine): Zimsko održavanje lokalnih cesta na području Grada Zavidovići za sezonu 2024/2025. povjereno je sljedećim izvođačima:

1. „MGV GRADNJA“ d.o.o. Zavidovići - lokalne ceste na području sliva rijeke Gostović i lokalne ceste koje gravitiraju u gradskom području sa sljedećim putnim pravicima: Gostović – Žioke - Mahoje, Gostović - Borovnica, Zavidovići - Dubravica, Zavidovići – Biljačić - Vrbica, Donja Lovnica - Gornja Lovnica, vršenje stručnog nadzora obavlja preduzeće „CONSTRUCT PROJEKT“ d.o.o. Zavidovići.
2. „POROBIĆ“ d.o.o. Zavidovići - lokalne ceste na području sliva rijeke Krivaja sa sljedećim putnim pravicima: Vikovići – Mustajbašići - Brašljevine, Krivaja – Smailbašići - Fazlići, Vožuća – Sljivići - Crnjevo, Hodžoća Polje - Sljivići i Krivaja – Laz - Pašin Konak, vršenje stručnog nadzora obavlja preduzeće „CONSTRUCT PROJEKT“ d.o.o. Zavidovići.
3. „HELDOVAC“ d.o.o. Žepče - lokalne ceste na području koje gravitira MZ „Pašin Konak“ sa sljedećim putnim pravicima: Mećevići - Hajderovići, Hajderovići - Imamovići, Hajderovići - Mujkići, Mramorje - Mednik i Kruščice - Livade, Dolac – Rujnica - Tursići, vršenje stručnog nadzora obavlja preduzeće „CONSTRUCT PROJEKT“ d.o.o. Zavidovići.
4. JKP „RADNIK“ d.o.o. Zavidovići - lokalne ceste koje gravitiraju gradskom području sa sljedećim putnim pravicima: Zavidovići – Paravci, Zavidovići – Stavci – Gornji Kovači, Zavidovići – Dolina i Zavidovići – Vinište , praćenje radova obavlja državni službenik Almin Mujanović.

Zimsko održavanje gradskih, prigradskih i strmih ulica, javnih površina na području Grada Zavidovići za sezonu 2024/2025. povjereno je JKP „RADNIK“ d.o.o., praćenje radova za prigradske i strme ulice obavlja državni službenik Almin Mujanović, a praćenje radova za gradske ulica, javne površine i javna stepeništa će obavljati državni službenik Almir Mustafić.

Za vrijeme obilnih snježnih padavina koje su se desile krajem decembra 2024. godine moramo naglasiti su svi putni pravci bili prohodni sa otežanim odvijanjem saobraćaja i bez većih zastoja u saobraćaju.

Pravilima i tehničkim uslovima za obavljanje zimske službe je definisano da na lokalnim cestama može doći do prekida saobraćaja samo u vrijeme uklanjanja smetnji, ali ne duže od 6 sati u toku 24 sata.

Imajući u vidu gore navedeno, naše nezadovoljstvo stanjem cesta na pojedinim dionicama lokalnih cesta ne znači nužno da je potrebno raskinuti ugovor ili da postoji opravdan razlog za raskid ugovora.


S poštovanjem

Dostavljeno:

1. Naslovu,
2. U spis.

Akt pripremio:

(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-147/25-AP-11
Datum: 10.02.2025. godine

Na osnovu člana 11. Poslovnika o radu Kolegija Općinskog načelnika („Službeni glasnik Općine Zavidovići“, broj: 1/2017), Kolegij Gradonačelnice Zavidovići na 5. sjednici održanoj 10.02.2025. godine razmatrao je Vijećnička pitanja i odgovore sa 3. sjednice Gradskog vijeća, te nakon rasprave Gradonačelnica donosi

ZAKLJUČAK

1. Utvrđuju se Vijećnička pitanja i odgovori sa 3. sjednice Gradskog vijeća, koja su pripremili Gradsko pravobranilaštvo, Služba za upravu i druge službe.
2. Vijećnička pitanja i odgovori sa 3. sjednice Gradskog vijeća dostavljaju se Gradskom vijeću Zavidovići na razmatranje.
3. O realizaciji ovog Zaključka starat će se Stručna služba gradonačelnika.

Dostavljeno:

1. Gradsko vijeće Zavidovići,
U spis.

GRADONAČELNICA

mr. iur. Erna Merdžić Smailhodžić

Akt pripremila: F.M.
(Fatima Merdanović)

Akt pregledao: Nermin
(Nermin Čahtarević)



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO PRAVOBRANIŠTVO



Broj: R.4/25
Dana 31.01.2025.godine

Služba za upravu privrede , lokalni razvoj , infrastrukturu i međunarodnu saradnju

Veza: Akt gradskog vijećnika gđin. Polić Ajdina naslovljen kao Obavijest o neposrednoj opasnosti po život mještana od 10.01.2025. godine

Predmet : Zahtjev za poduzimanje mjera iz nadležnosti Građevinske i Inspekcije za ceste /traži se

Kako se prijava postojanja potencijalne opasnosti po život mještana koju je dostavio Gradski vijećnik odnosi navodno na lokalni nekategorisani put , te pojas istog , a kako se radi o opasnosti od urušavanja kuće u vlasništvu Mišajlović Bogdana sin Tihomira (dakle građevine u privatnom vlasništvu) , koja je što se vidi i iz fotografija priloženih uz zahtjev doista u ruševnom stanju i nalazi se pored ceste čiji upravitelj je u tom slučaju Grad Zavidovići , to je potrebno da inspekcije koje su u nadležnosti vaše službe izađu zajedno odmah na teren , sačine Izvještaj i nalože mjere u skladu sa Zakonom o prostornom uređenju i građenju ZDK i podzakonskim aktima , te Zakonom o cestama u FBiH i podzakonskim aktima , i to u cilju prije svega trenutnog djelovanja , a radi sprečavanja opasnosti od urušavanja ovog objekta na javnu cestu , te sprečavanja posljedica , kako za odvijanje saobraćaja , tako i zbog zaštite prolaznika , dakle svih učesnika u saobraćaju .O poduzetim mjerama obavijestite kako Gradsko pravobranilaštvo , tako i gradskog vijećnika Polić Ajdina.

S poštovanjem !

Dostavljeno :

- 1.Službi za upravu privrede , lokalni razvoj , infrastrukturu i međunarodnu saradnju
- 2.Stručna služba gradonačelnika
- 3.U spis

ZAMJENIK

GRADSKOG PRAVOBRANIIOCA

A. Hrkić
Dženana Hrkić , dipl. pravnik

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu civilne zaštite

Broj: 07-45-21-36/25

Datum: 31.05.2025

Ajdin Polić

Ul. Enesa Kalabića bb

Zavidovići

PREDMET: Odgovor na vašu obavjest o neposrednoj opasnosti po život mještana


Na osnovu vašeg dopisa, obavjesti o neposrednoj opasnosti po život mještana radi urušavanja kuće Mihajlović Bogdana ovim putem vas želimo upoznati da Služba za upravu civilne zaštite nema nikakvu zakonsku mjeru za preduzimanje preventivne mjere za zaštitu i spašavanje stanovništva od te vrste nepogode.

Naime radi se o privatnoj parceli i privatnom objektu te nemamo zakonske mogućnosti djelovati.


Predlažemo vam da se obratite inspekcijским organima (građevinskom, sanitarnom i inspekciji za puteve.

Oni imaju nadležnost za donošenje rjesenja vlasniku objekta sa nalogom koje mjere mora poduzet.

S poštovanjem



Pomoćnik gradonačelnice
Dipl.ing.geod. Remzo Šogolj



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća
Broj: 01-04-239/25-AP-3
Datum: 13.02.2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	113-02-2025		
Org. jed.	Kl. ozna.	Rad. broj	Br. priloga
01	04	239/25	

GRADSKO VIJEĆE ZAVIDOVIĆI
PREDSJEDAVALA GRADSKOG VIJEĆA
Amira dr Hadžić, spec. radiolog

PREDMET: Odgovor na vijećničko pitanje sa 3. sjednice Gradskog vijeća Zavidovići, održane dana 14.01.2025. godine, dostavlja se

Na osnovu člana 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2021) i člana 167. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), Stručna služba Gradskog vijeća Zavidovići, uz dopis broj: 01-04-239/25-AP-2 od 29.01.2025. godine, dostavila je JKP „Radnik“ d.o.o. Zavidovići vijećničko pitanje vijećnika Harisa Hodžića, postavljeno na 3. sjednici Gradskog vijeća Zavidovići, održane dana 14.01.2025. godine, na odgovor.

Stručna Služba Gradskog vijeća do danas nije zaprimila odgovor JKP „Radnik“ d.o.o. Zavidovići na postavljeno vijećničko pitanje vijećnika Harisa Hodžića.

Po prijemu odgovora na vijećničko pitanje od JKP „Radnik“ d.o.o. Zavidovići, isto će biti dostavljeno Gradskom vijeću Zavidovići.


S poštovanjem.

PRILOG: Dopis broj: 01-04-239/25-AP-2 od 29.01.2025. godine.

DOSTAVLJENO:

1. Naslovu,
2. U spis.

Akt pripremio:


Samira Pinjić, dipl. pravnik



SEKRETAR GRADSKOG VIJEĆA
Samira Pinjić, dipl. pravnik

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća
Broj: 01-04-239/25-AP-2
Datum: 29.01.2025. godine

JKP „RADNIK“ d.o.o. ZAVIDOVIĆI
Amer Halilović, direktor

PREDMET: Odgovor na vijećničko pitanje, traži se

(Veza, dopis Gradonačelnice, broj: 02-04-147/25-AP-2 od 23.01.2025. godine)

Na osnovu člana 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2021) i člana 166. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), dostavljamo vijećničko pitanje vijećnika Harisa Hodžića, upućeno na 3. sjednici Gradskog vijeća Zavidovići, održane dana 14.01.2025. godine, na odgovor, a isto glasi:

„Predmet: Vijećničko pitanje vijećnika Harisa Hodžića

„Tražim od uprave JKP Radnik d.o.o. Zavidovići da nam dostavi informacije, da li će građanima okolnih mjesnih zajednica izvršiti korekcija računa za mjesec Decembar 2024. godine i Januar 2025. godine po osnovu izostanka usluge prikupljanja i odvoza komunalnog otpada?“

OBRAZLOŽENJE

Veliki broj građana ruralnih mjesnih zajednica su u prethodnim sedmicama ostali uskraćeni za prikupljanje i odvoz komunalnog otpada. I nakon normalizacije i uspostave saobraćaja na svim kategorisanim i nekategorisanim putnim pravcima, Javno komunalno preduzeće Radnik d.o.o. Zavidovići nije uspostavilo redovan odvoz otpada na dionicama gdje ima potpisan ugovor sa korisnicima usluge gdje ima potpisan ugovor sa korisnicima usluge organizovanog prikupljanja i odvoza otpada.

Direktno pitanje: Zašto se stalo sa aktivnostima na odvozu otpada i nakon normalizacije saobraćaja na svim putnim komunikacijama, ko vrši procjenu da li je neka cesta prohodna, i da li će Uprava JKP Radnik d.o.o. Zavidovići izvršiti korekciju računa građanima Zavidovića srazmjerno broju neizvršenih usluga odvoza komunalnog otpada?

Također, dostaviti informaciju i za usluge grijanja. Da li će doći do korekcije obzirom da pojedini građani nisu imali usluge grijanja tokom mjeseca Decembra?

Također, tražimo informaciju i od nadležne komunalne službe da se očituje o navedenoj problematici kao i opravdanosti zahtijeva građana za reklamacijom i korekcijom računa.

Od nadležnih zahtijevam jasne odgovore u pisanoj formi.

Vijećničko pitanje upućuje se Upravi JKP Radnik d.o.o. Zavidovići i nadležnoj komunalnoj službi.“

Molimo da odgovor na vijećničko pitanje vijećnika Harisa Hodžića dostavite u pisanoj formi, na adresu Stručne službe Gradskog vijeća.

S poštovanjem.

PRILOG: Vijećničko pitanje vijećnika Harisa Hodžića.

DOSTAVLJENO:

1. Naslovu,
2. U spis.

SEKRETAR GRADSKOG VIJEĆA

Samira Pinjić, dipl. pravnik

POVRATNICA

POŠILJATELJ:

Oznaka spisa: 01-04-239/25-AP-2

Ev.


Naziv otpravka koji se dostavlja:

ODGOVOR - TRAZI SE

Broj priloga:

Na adresu primatelja: JKP - RAONIC

AMER HALIĆIĆ



L-119

DOSTAVNICA

Potvrđujem da sam danas 30. 01. 25 godine
primio otpравak označen na prednjoj strani. (datum ispisati slovima)

Primatelj:

Dostavljač:

1. Budući da primatelj **NIJE ZATEČEN** na mjestu gdje treba dostaviti otpравak ni nakon ostavljene pismene obavijesti da radi dostavljanja bude u određeno vrijeme u svom stanu odnosno na svom radnom mjestu, dostava je obavljena predajom otpравka punoljetnom članu domaćinstva primatelja - kućepazitelju - susjedu - ovlaštenoj osobi koja radi na istom mjestu s primateljem.

(ime i prezime te osobe)

(Ako je primatelj nepismen ili nije u stanju potpisati se, dostavljač će ispisati njegovo ime i prezime i slovima dan primitka s napomenom zašto primatelj nije stavio svoj potpis).

Napomena dostavljača u slučaju neisporuke

2. Kad osoba kojoj je pismeno upućeno, odnosno poslovno sposobni član njezina kućanstva, odnosno ovlaštena osoba ili radnik državnog tijela, fizičke ili pravne osobe bez zakonitog razloga odbije primiti pismeno, dostavljač će to naznačiti na pismenu i vratiti ga sudu, a u stanu ili prostorijama gdje ta osoba radi, odnosno u sandučiću će ostaviti obavijest o pokušanoj dostavi s upozorenjem da će se dostava obaviti preko oglasne ploče suda.

dana 20 god.

u sati.


Potpis dostavljača

DOSTAVNICA

Potvrđujem da sam danas 30.01.25 _____ 20____ godine
(datum ispisati slovima)

primio otpравak označen na prednjoj strani.

Primatelj:



Dostavljač:



1. Budući da primatelj **NIJE ZATEČEN** na mjestu gdje treba dostaviti otpравak ni nakon ostavljene pismene obavijesti da radi dostavljanja bude u određeno vrijeme u svom stanu odnosno na svom radnom mjestu, dostava je obavljena predajom otpравka punoljetnom članu domaćinstva primatelja - kućepazitelju - susjedu - ovlaštenoj osobi koja radi na istom mjestu s primateljem.

(ime i prezime te osobe)

(Ako je primatelj nepismen ili nije u stanju potpisati se, dostavljač će ispisati njegovo ime i prezime i slovima dan primitka s napomenom zašto primatelj nije stavio svoj potpis).

Napomena dostavljača u slučaju neisporuke _____

2. Kad osoba kojoj je pismeno upućeno, odnosno poslovno sposobni član njezina kućanstva, odnosno ovlaštena osoba ili radnik državnog tijela, fizičke ili pravne osobe bez zakonitog razloga odbije primiti pismeno, dostavljač će to naznačiti na pismenu i vratiti ga sudu, a u stanu ili prostorijama gdje ta osoba radi, odnosno u sandučiću će ostaviti obavijest o pokušanoj dostavi s upozorenjem da će se dostava obaviti preko oglasne ploče suda.

dana _____ 20____ god.

u _____ sati.

Potpis dostavljača

POVRATNICA

POŠILJATELJ:

Oznaka spisa: 01-04-239/25-AP-2

Ev.

Naziv otpravka koji se dostavlja:


ODGORNJE - TRAZI SE

Broj priloga:

Na adresu primatelja: JKP - RADNIK

AMER HALILOVIC

VRATITI NA ADRESU POŠILJATELJA:



K-119